



UNIVERSITÄTS-
BIBLIOTHEK
PADERBORN

Universitätsbibliothek Paderborn

Commentarivs Martini Lvtheri in Ionam Prophetam

Luther, Martin

Haganoæ, [15]26

VD16 B 3890

Capvt III.

urn:nbn:de:hbz:466:1-35968

COMMENTARIUS

bis certo testatam exhibet, uelut Psal. 104. ipse de se prædicat.

CAPVT III

Et factus est sermo Domini ad Ionam secūdo dicens, Surge & uade in Niniuē ciuitatem magnam.

n. Hæc propterea scripta, ut intelligamus, quām si Contra humana iussu diuino, nihil statuendum aut inchoandum sit na placita. Primum quippe mandatum per Ionæ inobedientiam irritum factum erat. Quare nisi denuo profectionem in Niniuē Deus ionæ demandasset, dubius animi fuisse, quid faciendum fuerat. Imo potius ita illi successisset ultro suscepcta prædicandi prouincia, quemadmodum Iudeis, qui cum Numeri. 14. ductu & auspicio Dei, iussi in pugnam prodire recusarent, tandem ultro instructa acie, et laccsis hostibus, in apertum campum ad pugnandum progressi, insigni strage affecti sunt. Usque adeo uanum est & irritum, quicquid humana mens Liberi Arbitrij ductu, non consulto aut accepto Dei mandato, decernit aut statuit. Præterea huic mandato, & hoc adjicitur, ne quid aliud

pre



IN IONAM

prædicet, nisi quod illi à Deo in mandatis fuerit cōmissum, ita ut prædicandi officium, & Verbum eius certo mandato complexum sit. Eadem prædicta Vocatio. tio, que ex præcepto Dei suscipitur, frugifera esse potest. Alioqui quoties præter mandati diuini autoritatem currunt, aut non misi prædicant, aliud quam Verbum Dei, semper damno sunt auditoribus. Sicut Hieremias hoc ipsum, haud obscure docet, ubi inquit. Non mittebam Prophetas, & ipsi currebant, non loquebar ad eos, & ipsi prophetabant. Hæc duo haud dubie tibi dicta esse putas, qui Verbi diuini præconem agere uolueris, eaq; imis sensibus tibi reponenda existimes, neq; enim parua res est aut ludicra, nimirum ex qua, & tua & populi salus pendeat. Huic subscribens Petrus, hæc duo, uno quasi fasce complexus, Siquis, inquit, loquitur, loquatur ut eloquia Dei, si quis ministrat, ministret tanq; ex uirtute, quam suppeditat Deus. Ut certus sit utrumq; iuxta diuinum, & à Deo demandatum esse. Stat enim iam sententia, ipse dixit & facta sunt. Per Verbum eius omnia peragenda sunt, Ioh. primo. Omnis plantatio quam non plantauit pater meus eradicatur. Nam quanquam plantentur aliqua humano conatu, & excrescant, fructum tamē nō producūt. Ita humanarū quidem uirū conatus, aggreditur quidē aliquid, sed præter dānum

H. iij

COM MENT A R I V S

et malū dat nihil. Neq; enim finem pertingere potest eius rei quam instituerat, sed una cum studio et conatu suo tādem euaneſcunt homines, ubi satis dam norum et malorum dederint.

Et Niniue erat ciuitas magna triū dierum itinere:

Niniue ciui= ibidē neq; cultus Dei, neq; templū, sed nec Prophetas Dei.
tas Dei.

Quamobrē uero Niniue ciuitatem Dei uocat, cum ibidē neq; cultus Dei, neq; templū, sed nec Prophetas Dei erant? Quantū ego conjectura possum assequi, inde ita dictam puto, quod Deo curae fuerint, nec eos ex improviso, exitio absumere uoluit, sed misso Prophetis ipſiscentibus cōdonare ueniā. Proinde ualde credibile est, eius urbis incolas in Deum uerū cœli et terrae conditorē credidisse. Atqui et illud pro certo attente habebat cognitū, eos Prophetam à se missum audiueros esse, eiusq; Verbo cupide audito atq; suscepto, actutum poenitentiam acturos. Quādmodū scriptura de Naēmā Syro loquitur, Deum uidelicet illius gratia multa bona contulisse Syriae. Sed et regem Babylonie Nebucadnezer seruum suū nominat. Quibus locis illud planum facere uoluit, se quoq; Deum esse gentium, et non tantum Iudeorum, esseq; inter gentes quoq; qui sui sint.

Quod autem scribit urbem tridui itinere habuisse ampli-

I N I O N A M

amplitudinem, illud complures ita intelligendum esse
contendunt, quod per gyrum eam magnitudinem mu= Magnitudo
ro cinxerit, quae per tres dies circumiri potuisset, à urbis Nini =
quibus ego multum dissentio. Ea enim, nisi me fallat uæ.
animus, inusitatæ inauditæq; magnitudinis fuisse ciui
tas, quæ duodecim aut quindecim miliaria Germania
ca, muro cingeret. Talis nāq; quinq; aut sex militari
bus in longitudinē & latitudinē fuisse protensa. Ego
ita rectius intelligi opinor. Niniue ea fuisse magnitu
dine, cuius tridui spatio, quispiā per oculum ambulādo,
omne plateas perreptare aut peruagari facile pote
set. Mox enim in sequētibus subiicit, Ionam unius diei
itinere ingressum esse & prædicasse, quod ego exisli
mo unam urbis fuisse partē, quæ intra diem deambulā
do, per agrari potuit. Hunc uero sensum ualde iuuare
uidetur hebraica uocula פְּנַיְמָן transitus, quem
aīmodum in urbibus sursum ac deorsum obambulare
solent homines ocio dediti. Sicut Moses inquit. Exo
di. 14. Dominum hac nocte transisse per Aegyptum,
& percussisse omnia primogenita, quem quidē tran
situs, pro certo constat non fuisse, rectum, sed obli
quum, hinc inde per Aegyptum. Cui hæc displicue
rint, suo fruatur iudicio & ingenio.

Et prædicauit Jonas & dixit, ad-

H 5

COMMENTARIUS

Huc quadraginta dies, & Niniue
subuertetur &c.

Vnus diei itinere Ionas in ciuitatem Niniuen in-
gressus est & prædicauit. Quot autem dies insump-
serit, ei urbis parti prædicado, in obscuro relictū est.
Ipsa quoq; prædicationis summa, paucis uerbis per-
stricta est, uidelicet Niniuen post exactos quadragin-
ta dies, subuertendam esse. Verisimile tamen est, eum
dem nedum hæc dixisse uerba, sed copiosius subuer-
sionis futuræ rationem reddidisse, quam ob rem illa
tra Dei sit expectanda, & metuenda, & quanta si
in urbe malitia, qua aduersus illos Deus irritatus sit.
Item qui iusti fierent, & quid ad iustitiam consequen-
dam spectaret. Sicuti nunc quoq; moris est, cum sum-
matim, & uno quasi fasce, amplissimū alicuius sermo-
nis argumentū cōpleteū dicentes. De peccatis ser-
monem habuit. Aut de missa concionatus est.

Et crediderunt Niniuitæ Deo,
& prædicauerunt ieinium, & ue-
stiti sunt saccis a magno eorum us-
que ad paruum eorum.

Omnes homines quotquot in ea ciuitate fuerunt
mere sanctos fuisse suspicor, ut non iniuria Ionas
eam

INIONAM

eam ciuitatem Dei nominauerit. Namq; si potes, per
uniuersum mundum mihi monstra alteram, quæ huic Niniuitarum
conferenda sit, et si sanctam ciuitatem Hierosolymam pro fides.
duixeris. Intuere uero hanc rectis oculis, Ionas tan-
tummodo unius diei itinere ingressus, prædicauit in
ea, nec dum ad omnes suæ prædicationis fama dima-
nauerat, & mox omnes ad unum, à uia mala flagitio
se uitæ resipiscunt. Hierosolymitarum urbem, nec Chri-
stus nec Apostoli, sed nec tot Prophetæ suo uerbo in
numerisq; miraculis, signis, & prodigijs eò qui-
uerunt perducere, tametsi multo tempore quaqua
uersum, & penè uicatim per urbem prædicassent;
ut Deus etiam hic non inconmode dicere posset, ue-
lut Matth. 8. Christus de Centurione testatus est, se
tantam fidem non inuenisse in Israël. Imò tempore
Ionæ iam tum Israël, & Hierosolymitarum urbs ex-
tremis scatebant flagitijs, quando Ninue ante actæ
uitæ pœnitentiam agebat. Quamuis non ita nimium
fuisse mirabile, etiamsi Hierosolymitæ idem fecis-
sent, tempore Dauid regis, Solomonis, Ezechie,
Iosia, quandoquidem legē Dei habebant, & tot Pro-
phetas, tot pios, & deuotos reges & principes. Tot
præterea sacerdotes aliosq; innumeros spectata uitæ
sanctimonia uiros insignes, quoru opera indies, & sc-
duto, tradita lege, populi malitia cohercebatur. Porro

C O M M E N T A R I V S

tempore Ione Niniue urbium fuit optima & amplia super terram, cui parem non inuenissem facile.

Hunc Ione prophetæ locū Sophistæ & Monach

Contra ope = utriq; iuxta perdita & impia pecora, ad opera stah
rū merita. lienda detorquent, dicētes. Hic uero uides Deū op
rum habere respectum, & Niniuitas per hæc im
præsse gratiam, tame si fuerint gentiles & infideles
Liberū Arbitriū admodū se potest præparare ad gra
tiam &c. Respōdeo, huiusmodi nugamenta & im
sturas sophisticas Ionam anteueritisse, in hoc quod
niuitarum fidei, ante memorata pœnitentia open
manifestis uerbis laudet, cum inquit Niniuitas cre
dise in Deum. Quæ quidem uerba studiose &
mulanter Sophistæ subtersilunt, & nobis opera
improbe & maliciose cōmonstrant. Item Jonas Nu
uen ciuitatem Dei uocat. Iam ciuitatem Dei esse, in
Deum credere reuera non concedit, ut liberum ar
triū hæc fecerit opera, sed diuina gratia & fides ha
operata sunt. Ob eamq; fidem & gratiā Deo quo
hæc grata fuisse opera certū est. Siquidē hic exten
quoq; suam in animo fidem, & gratiam testati sun
quem fructū audit a Ione prædicatio, inter ipsos con
produxit. Quid uero diuinæ bonitati non gratū, n
acceptum esset, aut etiam summe placeret, ubi pri
sua gratia & fides mentem hominis illustrauerunt

civ

S
IN IONAM

cum neq; peccata que manserūt reliqua, obesse que
ant credentibus.

Cæterum hic aduerte quod multa faciunt, que à
Deo illis facienda non sunt iniuncta, nihil secus ta-
men ionas eadem percenset, ueluti quod ieiunent, et
saccos induant. Quantopere uero putas Deum re-
quirere ieiunium aut saccos? qui totius cordis & pri-
stine uitie innovationem atq; resipiscientiam habere
contendit. Sed nec per ionam ab illis hæc exegit aut
postulauit, uerum tantummodo, ut relicta prioris ui-
te malitia, ad meliorem frugem se reciperent. Nūc ue-
ro etiam qui sacco amictus est & ieiunat, intus & in
cute perditus latro esse potest, quales ferè sunt Mona-
chi in suis cucullis. Iccirco in sequentibus haud quaq;
illorum ieiunium & saccos commēdat, sed quod agni-
ta culpa resipuerint, & quisq; à uia sua mala reuer-
sus sit. Illud autem ex recepta consuetudine, quam à
suis maioribus, quasi per manus traditam acceperāt,
qui saccis & ieiunio corām Deo se penumero se humi-
liauerunt. Hoc idem sentiendum & dicendū est de re-
ge & principib; eius aulicis, in cinere sedente, &
tanquam absurdā præcipiente, ut pecoribus etiam ie-
junandum, saccosq; induendos esse putarit, atq; ad
Deum clamandum. Quis uero unq; fando audiuit, pe-
coribus quoq; sacco amictis & ieiunis ad Deum cla-

man

COMMENTARIUS

mandum esse? Num Deo quoq; cura esse existimam
ut hec opera fiant ab animantibus.

Externa opera cur fiant. Eiusdem momenti & ponderis sunt apud Deum

ieiunium, & facci animantium & hominum, & contra non magis ualeat hominum apud Deum ieiunium quam pecorum. Ceterum animus metu cōsternatur neq; non conscientia cōtrita & humiliata, his etiā surdiora facit, ut testetur serio se duct ante auctū pœnitētia. Atq; adeo si fieri ullo modo possit, etiā magna, saxa, & silices, omnes præterea creaturas unā lugendum & lamentandum induceret, & tamne sic, quidem minimam partem ueræ pœnitentie assequi posse putaret. Neq; enim ulla oratione explicari potest, estq; res prorsus incomprehēsibilis quanta sit cordis peccata ex animo detestantis, puto, putantis neminem non ita debere esse affectū ut ipsum est. Ut nō male Paulus Romanis. s. scripsit uideatur, spiritus gemitus esse incenarrabiles. Huc patinet quoq; quod David in Psalterio scribit se leonem in morē rugiſſe p̄e cordis sui gemitibus. Hoc est tam in corde suo fuisse pœnitētiam, & gemituū sufflationem, quam erūpentibus lachrymis & eiulatiōnē adeo immane declarauerit, ac si quis frendentis leonis rugitum audiuiſſet. Iam ubi Deus tantam tamq; secundum cordis pœnitētia confexerit, contentus est, adeo

IN IONAM

etiam ea que absurde fiunt illi placeant, quæ alioquin
ne afficeret quidem, nisi tam certa usq; adeo humilia
ti cordis significatione fieret. Quamobrē Ionas Nini
uitarum poenitentiā valde significanter, & graphice
depinxit, ut eam que fuerit grauis, seria & efficax-

Quod si nunc Sophistis in animo est operū iactan-
tia, ut ea que Deus nō fastidiat aut respuit, haud ma-
gnopere illorū instituto reluctabimur. Tantū hoc mo-
neo, ne, quæ illorum est oscitantia, & perfida negli-
gentia, altero iactato, alterū dissimulent. Hoc est dūna
opera iactant, addant etiā confracti contritiq; cordis
ex animo factā poenitētiā, ex qua ista opera mana-
re solēt. Nam dum sola opera, animi cogitationibus
inspecta arripunt, citra tam grauis adeoq; seriae poe-
nitentiæ accessionem, ueluti usu receptam in mona-
sterijs, & ecclesijs consuetudinem, qua per tempus
quadragesimale, præcipue illos occupatos, & distri-
ctos uidemus, reuera nihil sunt aliud, quam absurdissē
ma stultorum hominū opera, non secus quam si pecco-
ribus interdicta fuerint ieunia, præscriptaq; poenitē-
tiæ ratio, & formula, posthabita hominū poenitētia.
Quibus omnibus nihil prorsus ageretur, quam quod
Dei omnipotētiā nāsō, quod aiunt, suspenderemus,
maiorisq; furoris iracundiā in nos cōcitatēmus. Quā
propter suadeo in totum talia mis̄a facienda esse, au-

C O M M E N T A R I V S

magno serio arripienda, ἡ δὲ χελώνη κρίτην, ἡ μὲν φαγεῖν. Non sunt hæc facient
ignauerter & frigide, sed acriter & serio, utpote quod
mediocritatem non recipiunt, aut stertentem, & so-

Lib. arb. phisticum animum. Eam uero animi serio peccata
testantis certam pœnitudinē non præstat, Liberi arbitrij nequicquam asserta potentia, aut altoqui hum
narum uirium imbecillitas, sed fides eandem, spiritus
sancti uirtute in nobis operatur. Quippe ipsos quo
Niniuitas, haud quaq; absurdis hisce operibus coni
tos esse uidemus, sed præter pecorum ieiuniū &
uocationem, ueræ pœnitentiæ caput ipsissimum at
gunt, præcipentes, ut unusquisq; à uia sua malo
uersus discedat, relictis manuum suarum iniquita
bus. Immodica iam paſsim est operum faciendoru
iactantia, omisso semper illo quod operibus adieci
est, numirum ut animi malitia deposita, iusti fiereme
ne tantum inanes culmos pro tritico, citraq; nuclei
putamina Deo sacrificaremus, & per hoc illum
ridiculo ac delectamento haberemus. Dic uero illi
ut prius iusti facti, opera tantopere iactata faciat,
spes est, ut sine negotio, lis pro aſſerēdis operibus
ponatur. Atqui nunc immodiſi operū iactatores
rē nihil præſtat aliud, quam quod gladiatorio animi
pro-defensione operum cum alijs indecore & rabo

IN IONAM

se litigent, quorum nullum nec uita nec factio exprime student aut cogitant, immo ne possunt quidem, de quibus impendio loquaces, & praeformati non quam non garriunt.

Saccis amiciri ad rationem Hebraici sermonis per Saccis amica
inde ualet, ac pannis & non sumptuosis uestimentis ciri.
conuestiri, nullo adhibito mundo & ornatu. Quem= admodum ferè procedunt in publicum lugētes, tenui ter uestiti, ueste lugubri, nec opus est, ut per omnia sint sacci, aut eius generis pannus, ex quo sacci conficiuntur. Sicut Hieremias inquit. Cœlum sacco in duam, hoc est, nubium densitatibus illum obscurabo, & contegam. Accedit his, quod Iohannes Apoca. scribit, solem factum esse nigrum, tanquam saccum cœlicimum. Ita hic quoque saccis amiciuntur animantia, hoc est una lugendum est illis, & uultus tristis sumendus. Sicut Hebraica ratione panis & aqua manducandi & bibendi significationem obtinent. Et in cinere sedere, est se humiliare, non fastu turgidum esse sublatumq; animo incedere. Non quod tantum panis esu & simplicis undæ potu uictimarint, aut in cinere ante focum humi sederint, sed quum non sit frugalior aut tēperatior cibus & potus, quam panis, & aqua, nec tenuior (ut ita dicam) pannus atq; saccorum est, nec locus humilior ac foci, aut cineris, fit.

C O M M E N T A R I V S

ut per hæc omnes uiles cibi, uestes, loci significentur, uelut Esaias de Babylone loquitur Humiliare Babylon humiliare, sede in cinere &c.

Quis scit si pœnitentiam agit Deus, & reuertetur ab ira furoris sui & non pereamus?

Hic perinde rex loquitur, ac si incertus sit annum Deus ei uelit esse clemens, & propitius, cum men fides requirat certitudinem, ita ut nihil dignitatem hæfitantes certo persuasum habeamus nos dicure esse, aut fides dici non meretur. Verum eniuero nihil dubitat, alioqui hæc non fecisset, quod illo facta esse Ionas memorat. Nam hominis animus qui in dubio est, Dei misericordiam & clementiam non implorat, sed neque eiusmodi pœnitentiae fructuera. Pœnitentia facit. Cæterum res ita se habet, cor quod neutiquam multata ducitur pœnitentia, tanta trepidatione ad sus dubitationem conflictatur, nec dum uictoria nuit. Quare ad hunc modum loquitur, ac si incertum sit. Sed reuera nihil aliud sibi uolunt aut querunt hæc uerba, quam quod testentur animi trepidatis certamen aduersus dubitationem susceptandum debellatum esse, sed uersari etiamdum in latrone & necessitate. Iam si fides abesset omnino, tanta

IN IONAM

dulitate, pugnandi labore non sustineret. Iccirco
hæc uerba magis signa sunt præsentis fidei quam du-
bitationis, eiusmodi tamen fidei, quæ in metu est, &
pugnat, quæq; gratiam Dei ante oculos habeat præ-
fixam, ueluti dicit. Quis scit? si poenitentiam agat
Deus &c. Hoc est uideo adhuc superesse locum cle-
mentiae, nec tantum furoris iracundia sœuit.

SUPER VACANEVM, esse opinor, curio= An Deus du-
sam illam & nimis argutam questionem hic discutere, catur poenitentia
quomodo Deus animi sui decretum mutet, aut duca= tia.
tur poenitentia, quum sit immutabilis, qua explican= da multi nimium anxie se torserunt, inutili labore se= metipso cōfidentes. Huc potius dirigendi sunt oculi,
ut animaduertamus quam incredibili fide prædicti fue= rint Niniuitæ, nedum credentes quod Ionas de sub= uertenda urbe futurum prædixerat, uerum etiam diui= nam gratiam sibi polliceri audētes, tametsi nullā eius
obtinendæ promissionē ex Iona audiuerāt, sed mina= cissimas tantum minas, auribus hauserāt. Magna res
est, nec indigna multorū admiratione, adeo splendidā
urbē, adeo potētē regē tā subito metu cōsternari atq;
terreri ad unius uiri prædicationē, ut illico omni fastu
deposito, Deū metuētes in tantū se deiiciat atq; humili= liet, nec ante secū expēdat, cur ipsi præ omnibus alijs
per orbē urbibus peccatores dānētur. Quā uero per-

1 ij

COMMENTARIUS

timaciter Sodoma, & Gomorrha prædicationi Lqth,
reluctabantur? Quanto nisu repugnabat Moysi, &
Aaroni Pharaonis pertinax induratio? Quanta ani-
mi duritia & cæcitate aduersus Christum, & Apo-
stoli debacchata est semper Hierusalē? Quo furore Ro-
ma in omnes Christianos sæviebat? Præterea quam
ferociunt, quām furiunt etiamnum principes, & Ep-
scopi aduersus Euangelium. Est profecto uniuersus
mundus, si cum Ninuitis collatus fuerit, plenus po-
simis nebulonibus & Diabolis.

Alterum adhuc maius, & admiratione longe a-
gnius, quod in tanta trepidatione, & animi angustia
non desperarint, cum nullam habuerint promissio-
nem. Age quæso cui innituntur, quo minus omnem
& spem & animū abijcant? Nobis cum sint tot Pro-
phetæ & Apostoli, tanta scripturarum copia, tam-
tus probatissimorum librorum cumulus, tot concio-
natores, & uerba plena bonæ spei & consolationis,
tamen ne hic quidem Deo admodum fidimus, aut cri-
dimus. Ut non incommode nostræ Verbi diuini di-
tie, dici posset oceanus, quantum ad guttulam col-
lus, quam illi obtinuerant. Neq; uero plus habere pa-
tuerunt, præter unicū illud Verbum, Deum uideli-
cet coeli & terræ conditorem fuisse, illumiq; adeo uero
rum esse Deum, qui clemens sit & propitius. Atq;

840

INIONAM

eam diuini Verbi portiunculam, usq; adeo utilem &
frugiferam sibimetipsis reddiderunt ad salutem, in de-
cūs, & ignominiam Iudeorum iuxta ac Christiano-
rum, qui tanta uerbi affluentia, non nisi in nostram
pernitie imp̄issime abutimur. Quapropter Christus-Incredulitas
stus Matth. 12. Niniuitas Iudeis, atq; adeo nobis omni nostra-
bus, p̄eponere non dubitat, affirmans eos surrectu-
ros in iuditio, atq; hanc generationem condemnatu-
ros, qui ad Iona p̄ædicationem, nihil cunctantes re-
sipuerint, & ecce plusquam Ionas est hic. Et hoc qui
dem non iniuria, cum ne dimidiam quidem partem ue-
ræ pœnitentie, qua ducebantur Niniuitæ, impenda-
mus, tot minis & promissis à Deo lactati, & p̄æ-
moniti, cum Niniuitæ unicis minis perterriti, citraq;
ullam p̄omissionem recreati, sic copiosam, sic effica-
cem fidem p̄æstiterunt. Verum enim uero ita semper
agitur, ut ubi minime effusa est Verbi diuini copia,
ibi sitiatur & desyderetur maxime, ubi eiusdē est af-
fluentia, ibi ferè fastiditur atque contemnitur.

Et uidit Deus opera eorum, quo-
niā reuersi sunt a uiis suis malis &c.

Hic hic (clamabunt) commendantur opera. Quid
uero illorum uociferationibus & queritationi respon-
debimus? Hic uero iusticiarij parta uictoria adornant

I iij

COMMENTARIUS

triumphum, sed nescio an sint triumphaturi. Tu uen-
ba textus accuratius, & rectius quam illi solent, inspi-
ce, sic enim dicit. Deus uidit opera eorum, hoc est pla-
cebant illi. Sed cuiusmodi opera? Hæc ipse interpre-
tando nominatum perstringit, quoniam reuersi sunt,
inquit, à uis suis malis. I nunc & eiusmodi opera di-
isce tu quoq; & doce alios, ac dum Deum, nedū op-
rum iactantiam tibi fauebimus, sed ipsi quoq; in pa-
tem iactantiae ueniemus. A malis uis deflectere, inq
ueram innouare uitæ uiam regredi, non est uulgar
opus, quod in se non complectitur ieiunium aut sa-
corum amictū, sed ex animo in Deum credere, pro-
ximumq; ut se ipsum diligere, hoc est totius homi-
nis probitatem, & iustitiam externe, & interne, &
anima & corpore iustificati requirit. Siquidē Dei
totum hominem habere cōtendit, extremo odio pro-
sequens, qui neq; sunt calidi neq; frigidi, aut utroq
pede claudicant.

CAPVT III

Et contristatus est Jonas ualde &
iratus est &c.

Age quæso quis nō merito miretur inauditam,

Vite innova-
tio.